

**“BILBOKO EKINTZAILTZA DIGITALA” LEHIAKETAREN  
OINARRI ARAUTZAILEAK  
2021**

## **1. ZIOEN AZALPENA**

Bilboko Udalak, Bilbao Ekintza EPEL (aurrerantzean “Bilbao Ekintza”) erakunde publikoaren bitartez antolatu du *Bilboko Ekintzaitza Digitala Lehiaketaren* hirugarren edizioa.

Bilbao Ekintza udal erakundeak, hiriaren sustapen ekonomikoaz arduratzen denak, udalerrian enplegua eta aberastasuna sortu ditzaketen enpresen erakarpina, sorrera eta hazkundera sustatzeko helburua du, besteak beste. Bilbao Ekintzak uste du ekimen berriek eta enpresa proiektu berriek nabarmen laguntzen dutela enplegua sortzen, baita kalitatezko enpresak sortzen ere, batez ere gure udalerrirako interes estrategikoa duten sektoreetan.

Eremu estrategiko horietako bat ekonomia digitalaren sektorea da, izan ere, gure lurraldean dauden administrazioek sektore horren aldeko apustua egiten dute beraien espezializazio estrategien barnean, bereziki, Bilboko Udalak, hiriaren proiektioari eta ekonomiaren garapenari lagundu diezaieken proiektuak martxan jartzen baititu.

Bilboko Udalak ezaugarri horietako proiektuei arreta emateko, proiektuok garatzeko eta kokatzeko espazio ezin hobekak ditu; bereziki BIG Bilbao Ekintzaitza Zentroa eta Bilbao Auzo Factory izeneko Zentroen Sarea.

Ilido horri jarraikiz, sektore hori Bilboko udalerrian sustatzen jarraitzeko eta bere barneko proiektuei garapen eta laguntza espezializatuko bideak eskaintzen jarraitzeko, Bilbao Ekintzak *Bilboko Ekintzaitza Digitala Lehiaketaren* hirugarren edizioa antolatu du.

Europar Batasunak, Europako Gizarte Funtsaren 2014-2020 Euskal Autonomia Erkidegorako Programa Eragilearen bitartez, % 50ean batera finantzatu ahal izango du adjudikazio honen ekintza. Beraz, funts horiei buruzko xedapen orokorrak aplikatu beharko dira.

Adierazitakoan oinarrituta, Bilbao Ekintzako Administrazio Kontseiluak 2021ko irailaren 20an 2021. urterako egindako bileran, Bilbao Ekintzak kudeatutako Ekintzaitza Digitala Lehiaketaren araubidea onetsi zuen.

## 2. LEHIAKETAREN XEDEA

Oinarri hauen helburua da lehiaketa arautzea, ekonomia digitalaren sektoreko enpresa-ekimen berriak hautatzeko, sektore hori interes estrategikoa baita Bilboko udalerrarentzat. Oinarri hauetan jasotako neurrien helburua honako hauei laguntzea da:

- Bilbon startup berri bat abian jarriko duten ekintzaileak
- Egoitza fiskala edo/eta soziala Bilbon duten pertsona fisiko edo juridikoak, baldin eta eskabidea egiteko unean startup-ak urtebete baino gutxiagoko antzintasuna badu.
- Helbide fiskala eta/edo soziala Bilbon duten pertsona fisiko edo juridikoak, arlo digitalari lotutako barne-ekintzailetzako proiektu berri bat dutenak eta Bilbon kokatzea aurreikusten dena.

Lehiaketa honetara aurkezten direnek izaera ekonomikoko sari bat eta, horrez gain, prestakuntza- eta aholkularitza-zerbitzuak jaso ahal izango dituzte, bai eta teknologia-arloko beste espezializatu batzuk ere, beren enpresa-proiektuak modu egokian eta ingurune egokian gara daitezten, hasierako fasetik hasita, merkatura ingurune lehiakor batean bizirauteko trebetasun eta ezagutza nahikoekin ateratzea ahalbidetuko dien heldutasun-maila lortu arte.

## 3. ONURAK

### 3.1. Sariak

Sari hauek egongo dira, bakoitza dagokion zenbatekoarekin:

- 1. Saria: 6.000€
- 2. Saria: 4.000 €
- 3. Saria: 2.000 €

Ordainketa banku transferentzia bidez egingo da onuradunak edo onuradunek adierazitako kontu zenbakian, Bilbao Ekintzak bere garaian emango dien eredian, eta hala, oinarri hauetan ezarritako baldintzak bete beharko dira (*ikusi 4.2 atala: betekizunak*).

Sari horiei dagokien zerga araudia aplikatuko zaie.

### 3.2. Prestakuntza eta aholkularitza espezializatuko zerbitzuak izatea

Zerbitzu espezializatu horiek lehiaketa honetara beren enpresa-proiektu berriak aurkezten dituztenen eskura jartzen dira, beste erakunde batzuetatik zerbitzu horiek jasotzen ari direnen eskura izan ezik, eta adituen panel baten bidez gauzatuko dira, proiektuei hasierako fasetik eta garapen osoan lagunduko dietenak, hainbat arlo barne hartuta, besteak beste:

- Start up baten bizi zikloa: kontzeptuaren ezaguera eta balioak.
- Erabiltzailearen ikuspegia, ideiak eta esperientzia (UX).
- Aukera eta irtenbide berritzaileak.
- Taldea, konpetentziak, konpromisoak eta eraketa.
- Garapen teknikoa eta teknologikoa: GPB; prototipoak,
- Merkatu baliozkotzea (business model, bezeroak deskubritzea, marketin digitaleko estrategiak,..)
- Martxan jartzea, garapena: hazkuntza/gora egin ahal izatea.
- Finantzaketa eta laguntzak.
- Beste batzuk, espezifikagoak: IOT, Big Data, inteligentzia artifiziala, zibersegurtasuna....

Adituen taldea erreferentziazko profesionalak eratuko dute, aipatutako alorretan esperientzia handia dutenek hain zuzen ere.

Era berean, proiektu guztiek bestelako prestakuntza eta dinamizazio jardueretan parte hartu ahal izango dute, besteak beste tailerrak, jardunaldiak, *networking* ekimenak, foroak, etab, betiere beraien jardura eremuarekin lotuta baldin badaude. Horrez gain, BIG Bilbao Ekintzailatza Zentroan eta Bilbao Auzo Factory sarean enpresak sortzeko laguntza ematen duten programa eta zerbitzu ezberdinak jaso ahal izango dituzte, udalerriko ekintzaileentzat eskuragarri daudenak hain zuzen ere.

#### 4. ONURADUNAK ETA BALDINTZAK

##### 4.1. Onuradunak

Lehiaketa honetan parte hartu ahal izango dute.

- Bilbon startup berri bat abian jarriko duten ekintzaileak.
- Egoitza fiskala edo/eta soziala Bilbon duten pertsona fisiko edo juridikoak, baldin eta eskabidea egiteko unean startup-ak urtebete baino gutxiagoko antzintasuna badu.
- Helbide fiskala eta/edo soziala Bilbon duten pertsona fisiko edo juridikoak, arlo digitalari lotutako barne-ekintzaitzak proiektu berri bat dutenak eta Bilbon kokatzea aurreikusten dena.

Ezin izango dira onuradunak izan ez administrazio publikoak, ez sozietate publikoak, ez haien menpeko edo haiei lotutako entitateak.

##### 4.2. Lehiaketan parte hartzeko baldintzak

Aurkeztutako eskaerek ekonomia digitalaren sektorean garatzen diren produktuak eta zerbitzuak eskaintzera bideratuta egon beharko dute.

Lehiaketan parte hartu ahal izango dute zerga-arloko eskakizunak dituzten herri-administrazioekiko betebeharrak egunean dituzten pertsona fisiko edo juridikoek, bai eta Gizarte Segurantzarekiko betebeharrak egunean dituztenek ere. Egoera horiek ofizioz egiaztatu ahal izango ditu Bilbao Ekintza EPELeK.

Lehiaketa honetan parte hartu ahal izango dute ebazpen irmo baten bidez diru-laguntzak eta/edo laguntzak lortzeko aukera galtzarekin zigortuta ez dauden pertsona fisiko edo juridikoek, edo horretarako ezgaitzen duen legezko debekuren baten eraginpean daudenek, Emakumeen eta Gizonen berdintasunerako otsailaren 18ko 4/2005 Legearen azken xedapenetatik seigarrenean xedatutakoaren arabera sexuaren ziozko bereizkeria egiteagatik zigortutakoak barne. (Ikus I. ERANSKINAREN EREDUA: eskabidea + Zinpeko Adierazpena)

Era berean, ezingo dute parte hartu aurretik edozein erakunde publikok emandako laguntzak itzultzeko dituzten (guztiak edo partzialki) pertsona , fisiko edo juridikoek, ez baldin bada

egiaztatzen itzuli beharreko zenbatekoa ordaindu dela (Ikus I. ERANSKINAREN EREDUA: eskabidea + Zinpeko Adierazpena).

Startup berri bat sortzeko proiektu bat aurkezten duten ekintzaileek konpromisoa hartu beharko dute Bilboko udalerrian kokatzeko, bai fiskalki bai sozialki (Ikus I. ERANSKINAREN EREDUA: eskabidea + Zinpeko Adierazpena).

Urtebetetik beherako antzintasuna duten startupeko pertsona fisiko edo juridikoek Bilbon izan beharko dute egoitza fiskala eta/edo soziala.

Arlo digitalari lotutako barne-ekintzaitzako proiektu bat aurkezten duten pertsona fisiko edo juridikoek Bilbon izan beharko dute egoitza fiskala eta/edo soziala, eta konpromisoa hartu beharko dute barne-ekintzaitzako proiektu berria Bilbon ere kokatzeko (ikus I. ERANSKINA: eskaera + Zinpeko Adierazpena eredia)

## **5. LEHIAKETAN PARTE HARTZEKO PROZEDURA**

### **5.1. Eskaerak aurkeztea**

Eskabideak, behar bezala beteta eta atal honetan aipatu den nahitazko dokumentazioarekin batera, helbide elektroniko honen bidez aurkeztu beharko dira: [Big@bilbaoekintza.bilbao.eus](mailto:Big@bilbaoekintza.bilbao.eus) . Oinarriak eta pertzepzio-dokumentazioa Bilbao Ekintzaren webgunean argitaratuko dira: <https://www.bilbaoekintza.eus>

Halaber, posible da BIG Bilbao Ekintzaitza Zentroan aurkeztea (Zabalgune plaza 11-S/N, Zabalguneko azoka eraikina). Tel.: 94 420 53 60. Eskaerak jasotzeko ordutegia 9: 00etatik 13: 00etara da.

Nahi dutenek aurkeztu dutela egiaztatzeko hartu-agiri bat jaso ahal izango dute, eskabidea egin den formatu berean.

Eskaerak aurkezteko epea oinarri hauek Bizkaiko Aldizkari Ofizialean argitaratu eta hurrengo egunean hasiko da, eta 2021ko azaoaren 1ean bukatuko da.

Interesdunek eskaera aurkezteak oinarri hauen edukia onartzea ekarriko du.

## 5.2. Aurkeztu beharreko dokumentazioa

- Eskabidea, zinpeko aitortpena eta memoria, l. eranskinaren arabera beteta eta sinatuta.
- Proiektuaren talde sustatzailea eratzen duten pertsona guztien Nortasun Agiri Nazionalaren kopia.
- Proiektuaren talde sustatzailea eratzen duten pertsona guztien Curriculum Vitae.
- Administrazio publiko ororekin dauzkaten zerga betebeharrak, baita Gizarte Segurantzarekin dauzkatenak ere, egunean dauzkatela egiaztatzen duten jatorrizko ziurtagiriak. Bilboko Udalarekiko zerga-egoera ofizioz egiaztatuko du Bilbao Ekintza EPELek.
- Pertsona fisiko edo juridikoen kasuan: eskatzailearen ordezkartza-ahalordea egiaztatzen duen dokumentuaren fotokopia, EJZn alta eman izanaren kopia, erakundearen IFZren kopia eta talde sustatzaileko pertsona guztien alta-agiria.

Memoriarekin batera proiektua azaltzen duen gainerako dokumentazio osagarria aurkeztu ahal izango da: aurkezpenak, bideoak, argazkiak, eta abar, proposamena baloratzeko lagungarriak izan daitezkeenak.

Lehiaketa honetan parte hartzeko proposamena aurkezten duten pertsona fisikoek edo juridikoek egindako zinpeko adierazpen guztien egiazkotasunari buruzko ardura bere gain hartzen dute, baita gainerako dokumentazioaren egiazkotasunari buruzko ardura ere.

Eskabideak jaso ondoren, ez badaude erabat beteta edo ez bazaie beharrezko dokumentazio oro atxiki, orduan interesdunei eskaera egingo zaie 10 laneguneko epean falta dena konpondu dezaten edo nahitaezko agiriak aurkeztu ditzaten; horrez gain, ohartarazpena egingo zaie, horrela egin ezean eskaeran atzera egin dutela ulertuko dela, eta beste izapiderik gabe espedientea artxibatu egingo da; Bilbao Ekintzak ez du eskaera horren gaineko berriazko ebazpena eman beharko.

Nolanahi ere, aurkeztutako eskaera erabat ulertu eta ebaluatze aldera Bilbao Ekintzak beharrezkotzat jotzen duen dokumentazio eta informazio osagarri oro eskatu ahalko die oinarri hauetan jasotako onuradunen eskatzaileei.

### 5.3. Hautatzeko irizpideak

- Ideiaren interesa eta espero den bideragarritasuna (10 puntu)
- Talde sustatzaileak proiektua arrakastaz garatzeko eta ezartzeko duen gaitasuna (15 puntu)
- Produktuen eta zerbitzuen xede den merkatuaren potentziala (15 puntu)
- Proiektuek jarduera ekonomikoa eta enplegua sortzeko duten potentziala (10 puntu)
- Alderdi berritzaileak eta teknologikoak gehitzea (15 puntu)
- Gora egiteko gaitasuna (10 puntu)
- Proiektuak jasotzen dituen interes sozialeko alderdiak, besteak beste, ekonomia soziala eta solidarioa, ingurumena, berdintasuna eta euskara (5 puntu)

Aukeratutako proiektuen gaiak eta edukiak ekonomia digitalaren sektorean garatzen diren produktuak eta zerbitzuak eskaintzeko izan beharko dira, eta Bilbao Ekintzak kanpoan utzi ahal izango ditu hirugarrenen ohorearen aurkakoak diren edukiak eta gizartearen gaitzespena sortu dezaketenak, ordena publikoaren aurkakoak direnak edo legezketasunetik kanpo daudenak. Horrez gain, eragindako arloaren arabera indarrean dagoen araudia errespetatuz lortutakoak izan beharko dira.

### 5.4. Lehiaketan aurkeztutako proiektuak aukeratzeko prozesua

#### 5.4.1 Proiektuak aukeratzeko fasea

Aukeraketa prozesua norgehiagoka bidez gauzatuko da.

Lehiaketan aurkeztutako eta gehienezko 80 puntuetatik gutxienez 50 puntu jaso dituzten proiektu guztiek sari ekonomikoa eskatzeko proiektuen balorazio-fasean sartu ahal izango dira. Horretarako, Aukeraketa Batzorde bat eratuko da, Bilbao Ekintzaren Zuzendaritza Nagusiak izendatutakoa, eta Bilbao Ekintzako teknikariek eratutakoa. Hala, lehenengo balorazio tekniko egingo dute 5.3. puntuan adierazitako aukeraketa irizpideen arabera.

#### 5.4.2. Sari ekonomikoa jaso dezaketen proiektuak baloratzeko fasea

Fase horretan, aurreko fasea gainditu duten proiektuak Balorazio Batzorde baten aurrean defendatu beharko dira, Bilbao Ekintzaren Zuzendaritza Nagusiak izendatutakoa eta



Bilbao Ekintzako ordezkariak eraturakoa (Aukeraketa Batzordekoak ez direnak). Horrez gain, ekonomia digitalaren sektorean eremu espezializatu ezberdinetan laguntza emateko proposaturako adituen taldeko ordezkariak ere osatuko dute batzordea. Balorazio Batzorde horrek, hasierako aukeraketa fasean erabilitako irizpide berdinetan oinarrituz, balorazio teknikoa egingo du, eta deliberazio bitartez puntuazio altuena izango duten hiru proiektuak ebartziko ditu, eta hala, proiektu horiek jaso ahal izango dituzte lehiaketa honetan ezarritako zenbateko ekonomikoak.

Proiektuen defentsa Balorazio Batzordearen aurrean egin beharko da (gehienez ere proiektuko 7 puntu) ezarritako epeetan, behin proiektuak aukeratzeko fasea bukatzen denean.

## **5.5. Lehiaketaren jakinarazpena**

### **5.5.1 Proiektuak aukeratzeko fasea**

Aurkeztutako eskari guztiek mezu elektronikoa bidez jasoko dute hasierako balorazio teknikoaren emaitza gehienez ere aurkezteko epea bukatu eta hurrengo egunetik aurrera zenbatzen hasita hilabeteko epean.

### **5.5.2. Sari ekonomikoa jaso dezaketen proiektuak baloratzeko fasea**

Fase horretako emaitza eta saria jasoko duten proiektuen izenak defentsaren egunean bertan jakinaraziko dira, Balorazio Batzordearen deliberazioaren ondoren.

## **6. BETEBEHARRAK, EZ-BETETZEAK ETA LAGUNTZEN ITZULKETA**

### **6.1 Onuradunen betebeharrak**

- Bilbao Ekintzailera Digitalaren Lehiaketaren publizitatea eta zabalkundea egitea haren komunikazioetan, sare sozialetan, webgune korporatiboan eta Bilbao Ekintzarentzat interesgarritzat jotzen diren beste kanal batzuetan.
- Lehiaketatik pasatzeari dagokionez, elkarrizketatuak izateko prestasuna.

## 6.2 Ez-betetzeak

Lehiaketa honen oinarri diren baldintza eta betebeharrak betetzen ez dituzten proiektu parte-hartzaileak lehiaketatik kanpo geratuko dira.

## 7. AURREKONTU ESLEIPENA

Bilbao Ekintzak honako aurrekontu partida hau bideratuko du lehiaketa honetarako:

- Hiru sari zuzkidura ekonomikoarekin 12.000,00 €

## 8. KONFIDENTZIALTASUNA

Lehiaketa honetako oinarrien esparruan sortutako informazioa bakarrik alor horretako helburuetarako erabiliko da, eta datu pertsonalak eta enpresakoak konfidentziasunez erabiltzen direla bermatuko da, oinarri hauetan publizitateari dagokionez jasotako ahalmenak albo batera utzi gabe.

Edonola ere, ezaugarri orokorrak hedatu ahal izango dira, eta unea iristen denean baita proiektu irabazleen izenak, beraien jarduera, lortutako emaitza nagusiak eta talde sustatzailea osatzen duten pertsonen izenak ere.

## 9. PUBLIZITATEA

Bilbao Ekintzaren logoa eta adieraziko diren gainerako guztiak onuradunek sortzen dituzten inprimatutako materialetan gehitu ahal izango dira (kartelak, liburuxkak, informazio-orriak...), baita ere oroitzapenezko plaketan, baliabide elektronikoetan eta ikus-entzunezko baliabideetan edo idatzizko komunikabideetan argitaratzen dituzten iragarkietan, aurretik Bilbao Ekintzan eskaera aurkeztuta eta horrek oniritzia emanda.

## 10. PROIEKTUEN JABETZA

Jabetza intelektuala eta materiala eta proiektuaren ustiapen industrialak lehiaketa honetan aurkeztutako proiektuen sustatzaileena izango da.

**11. DATU PERTSONALEN BABESA**

Abenduaren 5eko 3/2018 Lege Organikoan xedatutakoarekin bat etorriz, Bilbao Ekintzak adierazten du oinarri hauek izapidetzearen ondorioz agirietan jasota geratzen diren datu pertsonalak berariazko fitxategi batean gordeko direla. Fitxategia Bilbao Ekintza EPELen titulartasunekoa izango da eta Enpresak Sustatzeko Sailak ematen dituen zerbitzuak kudeatzea du helburu. Helbidea hauxe da: Nafarroa kaleko 5. zenbakia. 48001 – Bilbo.

Nolanahi ere, interesduna horren jakitun geratzen da eta baimena ematen du haren datuak helburu horretarako erabil daitezen eta aholkularitza-enpresei, erakunde publikoei, fundazioei, elkarteei edo finantza-erakundeei laga dakizkien, enplegu-politika aktiboak kudeatzeko, lan-merkatuko bitartekari jarduteko eta lan-merkatuari buruzko azterketak eta analisiak egiteko.

**12. BESTE BALDINTZA OROKOR BATZUK**

Bilbao Ekintzak eskubidea gordeta du egoera zalantzarrietan oinarri hauek interpretatzeko eta bere erabakiak behin betikoak izango dira.

Lehiaketa honetan parte hartzean, guztiz onartuko dituzte oinarriak parte-hartzaile guztiek.

**13. OINARRI HAUEN INDARRALDIA ETA GARAPENA LEHIAKETAN**

Lehiaketa honen oinarriak argitaratu ondoren aurkezten diren eskariei aplikatuko zaizkie, baita 5.1. atalean adierazitako eskariak aurkezteko epean zehar ere. Epe hori luzatu egin ahal izango da Administrazio Batzordeak hala erabakita.

Oinarriak indarrean dauden bitartean, bertan kontuan hartzen diren alderdietako baten bat garatu behar bada edo programa funtsean aldatzen ez duen egokitzapenen bat egin behar bada, Administrazio Batzordeak eskumena ematen dio Bilbao Ekintza EPELen Zuzendaritzari aldaketa horiek egiteko. Zuzendaritzak aldaketak egin ondorengo lehen bileran emango dio Batzordeari aldaketen berri.

**14. PROIEKTUAK GARATZEKO BALDINTZAK**

Proiektu parte-hartzaileen garapena ezin izango da edozein legezko bitartekoetan hirugarrenei

aintzatetsitako eskubideen kontrakoa izan, bai nazionalak baita nazioartekoak ere, eta ondorio horien barne egongo da Giza Eskubideen Adierazpen Unibertsala.

Halaber, 1083/2006 Araudiko (EE), I. tituluko IV. kapituluko 16. eta 17. artikuluetan jasotako oharren arabera, Bilbao Ekintzak enpresei eta enpresak sortzeko proiektuei laguntzeko dituen tresnen bitartez, erakunde onuradunek gauzatzen duten merkataritza-praktikak errespetatu egin beharko ditu araudi horretan jasotako irizpideak; horrenbestez, ingurumena babestu eta hobetzeko sustapenarekin eta garapen iraunkorarekin zerikusia duten jardunbide egokien inguruan sentsibilizatzea bilatuko du, bai eta enpresen barruan lana, familia eta norberaren bizitza uztartzeari lotutako jardueri dagokienez ere. Halaber, sexuan, arrazan edo jatorri etnikoan, erlijioan zein sinesteetan, desgaitasunean, adinean edo sexu orientazioan oinarritutako diskriminazioaren aurka eta emakumeen eta gizonen arteko berdintasunaren alde egingo da.

Bukatzeko, Euskal Autonomia Elkarteke herri-administrazioetan euskararen erabilera normalizatzeko prozesua arautzen duen apirilaren 15eko 86/1997 Dekretuarekin bat eginez, onuradunek proiektua eratzean eta garatzean lehentasunez euskara eta gaztelania erabiliko dituzte, albo batera utzi gabe beste hizkuntza batzuk erabiltzea, proiektuak hala eskatzen duenean.